



Error! Not
a valid
filename.

AUSTRHEIM KOMMUNE

Møteprotokoll Formannskapet

Møtedato: 25.11.2021
Møtestad: Austrheim samfunnshus
Møtetid: 09:00 - 14:00

Orienteringar:

Gjennomgang innspel budsjett (Bjørnar Fjellhaug)

Status Korona (Monika Kvamme)

Løypemelding Eldremelding (Monika Kvamme)

Tilstandsrapport Nordliheimen, inkludert alarmanlegg (Monika Kvamme)

Frammøtte medlemmer	Parti	Rolle
Per Lerøy	AP	Ordførar
Inger Lise Brekke	H	Varaordførar
Morten Sognnes	H	Medlem
Helge Dyrkolbotn	KRF	Medlem
Bjørn Inge Håland Dyrkolbotn	SP	Medlem

Desse møtte frå administrasjonen:

Asbjørn Nagell Toft, Bjørnar Fjellhaug, Christopher Marius Straumøy, Ketil Tjore, Monika Kvamme, Rolf-Henning Myrmel, Stian Marøy

Austrheim 26. november 2021

Per Lerøy
ordførar

Ketil Tjore
møtesekretær

Sakliste

Saknr	Tittel
118/21	Godkjenning av innkalling og sakliste
119/21	Godkjenning av møteprotokoll
120/21	Meldingar
121/21	Delegerte saker
122/21	Orienteringssak
123/21	Dispensasjon til forlenging av eksisterande flytebryggje ved gbnr. 164/11 ved øya Nordre Kjerringa
124/21	Dispensasjon til utlegging av flytebryggje på gbnr. 165/56 - Baløy
125/21	Lokal forskrift om gebyr for tekniske forvaltningsteneste 2022 - Godkjenning
126/21	Saksførebuing klage på løyve frå Felles Landbrukskontor til landbruksveg - gbnr 131/6 - Fonnes
127/21	Renovasjonsavgift 2022 - NGIR
128/21	Slamavgift 2022 - NGIR
129/21	Møteplan for 2022
130/21	Skjenkeløyve for Knuter Catering og Service AS - på samfunnshuset
131/21	Styringsgruppa: Val av løysing for tilrettelegging av Årås skule og godkjenning av forprosjekt Kaland skule

118/21: Godkjenning av innkalling og sakliste

Kommunedirektøren sitt framlegg:

Innkalling og sakliste vert godkjent

25.11.2021 FORMANNSKAPET

Ordførar Per Lerøy (Ap) sa at det vert sett opp eit ekstra formannskapsmøte måndag 6. desember, for å handsama innspela til budsjett. Fristen for innspel var for tett på møtet 25. november til at ein rekk å ta dette i dag.

Ordførar Per Lerøy (Ap) sa om sak 126/21 om klage i samband med landbruksveg Fønnes: Denne saka vert utsett til møtet 6. desember, slik at det kan gjennomførast ei synfaring. Som elles i saker der det er klage eller avslag frå administrasjonen, er det ønskeleg med synfaring.

Kommunedirektør Bjørnar Fjellhaug sa at budsjettinnspela vil verta kommenterte i samband med ekstramøtet i formannskapet 6. desember.

Kommunedirektør Bjørnar Fjellhaug sa at sak 127/21 og sak 128/21 må utsetjast til møtet 6/12, sidan det må gjerast enkelte endringar på satsane i Austrheim opp mot NGIR sitt framlegg.

Handsaming i formannskapet:

Kommunedirektøren sitt framlegg vert samrøystes vedteke, med dei utsettingar og korrigeringar som er nemnt over.

FS - 118/21 - 25.11.2021 - Vedtak:

Innkalling og sakliste vert godkjent, med dei utsettingar og korrigeringar som er nemnt over.

119/21: Godkjenning av møteprotokoll

Kommunedirektøren sitt framlegg:

Møteprotokoll frå forrige møte vert godkjent

25.11.2021 FORMANNSKAPET

Til dette møtet låg det føre fleire møteprotokollar til godkjenning.

Handsaming i formannskapet:

Kommunedirektøren sitt framlegg vert samrøystes vedteke

FS - 119/21 - 25.11.2021 - Vedtak:

Møteprotokoll frå forrige møte vert godkjent

120/21: Meldingar

Kommunedirektøren sitt framlegg:

Meldingane vert tekne til orientering

25.11.2021 FORMANNSKAPET

Ordførar Per Lerøy (Ap) ba om at denne meldinga vart teke saman med orientering om saka seinare i møtet.

Handsaming i formannskapet:

Kommunedirektøren sitt framlegg vert samrøystes vedteke

FS - 120/21 - 25.11.2021 - Vedtak:

Meldinga vart teke til orientering, dette vart gjort saman med orientering om saka seinare i møtet.

121/21: Delegerte saker

Kommunedirektøren sitt framlegg:

Delegerte saker vert tekne til orientering

25.11.2021 FORMANNSKAPET

Avdelingsleiar Asbjørn Toft orienterte om dei delegerte sakene.

Handsaming i formannskapet:

Kommunedirektøren sitt framlegg vert samrøystes vedteke

FS - 121/21 - 25.11.2021 - Vedtak:

Delegerte saker vert tekne til orientering

122/21: Orienteringssak

Kommunedirektøren sitt framlegg:

25.11.2021 FORMANNSKAPET

Kommunedirektør Bjørnar Fjellhaug orienterte kort om budsjettinnspel som har komme sidan budsjettet vart lagt ut på høyring. Administrasjonen legg opp til å komma med ei ny innstilling i budsjettsaka før det ekstra formannskapsmøtet 6. desember.

Kommunalsjef helse og omsorg, Monika Kvamme, orienterte om Korona-situasjonen.

- Sjukehusa melder om stort trykk, som går ut over vanleg behandling utanom Korona.
- Staten har endra strategi, no skal Korona-vaksinering prioriterast framfor influensavaksinering.
- Er endra frå at ein bestiller vaksine til at ein får tildelt etter folketal.
- Vil ha vaksinering kvar veke fram til jul.
- Vaksinering av 3. dose 18-65 år er sagt skal starta etter nyttår, men kan verta tidlegare.
- Smitten har auka dei siste vekene, mykje smitte i Austrheim og i Alver.
- Jamt over ønskjer kommunane sentrale føringar heller enn at kommunane skal bestemma.

Varaordførar Inger-Lise Brekke (H) sa at det er viktig å sjå på belastinga på sjukehusa, at presset der gjer at annan aktivitet må utsetjast.

Kommunalsjef helse og omsorg, Monika Kvamme, sa vidare at Helse Bergen no rapporterer at smitten flyt fritt mellom fleire aldersgrupper, og at både vaksinerte og uvaksinerte er sjuke.

Kommunalsjef helse og omsorg, Monika Kvamme, orienterte om arbeidet med Eldremeldinga. Presentasjonen ligg ved møteboka.

Etter spørsmål klargjorde Kvamme at kommunen ikkje kan ta betalt for omsorgsteknologi der denne erstattar helsehjelp, i desse tilfella må kommunen dekkja kostnaden. Generelt er det slik at staten gjev støtte i samband med innføring av nye tenester, men om det vert lovpålagt så må kommunen dekkja kostnadene sjølv.

Førebyggjande tenester må etablerast for vaktmeistertenester, der ein til dømes skal brøyta og strø for dei som har heimetenester. Er også rimelegare enn at dei bryt lårhalsen og må leggst inn på Nordliheimen. Også andre tilbod ein kan etablere som vil kosta litt, middagstilbod og liknande, som uansett vil vera rimelegare enn sjukeheimsplass.

Ordførar Per Lerøy (Ap) ba om at ein brukte dei søknadsordningar som finnest, og legg opp tilbodet slik at det er mogleg å få støtte. Lerøy viste til korleis kommunen har lukkast med å henta inn midlar til trafikksikring, der Austrheim får midlar medan andre kommunar ikkje leverer søknad. Om dette sa Morten Sognnes at det bør vera nokon som har ansvar for nettopp dette, for å sikra at ein hentar ut støtte der det er mogleg.

Etter spørsmål svara Kvamme at kommunen må tilby tenester også til dei som er på opphald på hyttene sine, og ønskjer hjelp av heimetenesta medan dei er på ferie.

Kommunalsjef helse og omsorg, Monika Kvamme, viste tal for befolkningsframskriving for perioden fram til 2040. Presentasjonen ligg ved møteboka.

Formannskapet var samla om å etterlysa tiltak for å halda på ungdommar i kommunen, for å få vekst i folketalet. Både for å halda på dei som er frå kommunen, samt få ungdommar til å flytta hit. I samband med dette vart det også etterlyst eit betre tilbod til dei so er "midt i livet". Monika Kvamme sa at det var ei tilbakemelding som også hadde komme på det opne møtet tidlegare i veka, om "Det gode liv i Austrheim".

Kommunalsjef helse og omsorg, Monika Kvamme, orienterte om arbeidet med Nordliheimen. Både levering av tilstandsrapport, og oppgradering av alarmanlegg, er så omfattande at det må ut på anbod. Alarmanlegg inneber installering av sensorarar på alle rom.

Handsaming i formannskapet:

Kommunedirektøren sitt framlegg vert samrøystes vedteke

FS - 122/21 - 25.11.2021 - Vedtak:

Orienteringane vert teke til vitande.

123/21: Disposisjon til forlenging av eksisterande flytebyggje ved gbnr. 164/11 ved øya Nordre Kjerringa

Kommunedirektøren sitt framlegg:

Austrheim kommune gjev på vilkår disposisjon frå pbl. § 19-2 og frå kommuneplan, plan-id: 2013001 disposisjon som omsøkt til forlenging av eksisterande flytebyggje med plass til 6 nye småbåtar ved øya Nordre Kjerringa. Vilkåret er at den forlenga flytebyggja vert tilgjengeleg for ålmenta til av- og påstigning frå båt/kajakkar.

Grunngjevinga for vedtaket er gjeve i saksutgreiinga. Vedtaket har heimel i plan- og bygningslova (pbl.) § 19-2 jf. § 11-6 og naturmangfaldslova §§ 8-12.

Saka vert sendt til Statsforvaltaren I Vestland for klagevurdering.

25.11.2021 FORMANNSKAPET

Avdelingsleiar Asbjørn Toft orienterte om saka.

Handsaming i formannskapet:

Kommunedirektøren sitt framlegg vert samrøystes vedteke

FS - 123/21 - 25.11.2021 - Vedtak:

Austrheim kommune gjev på vilkår disposisjon frå pbl. § 19-2 og frå kommuneplan, plan-id:

2013001 dispensasjon som omsøk til forlenging av eksisterande flytebryggje med plass til 6 nye småbåtar ved øya Nordre Kjerringa. Vilåret er at den forlenga flytebryggja vert tilgjengeleg for ålmenta til av- og påstigning frå båt/kajakkar.

Grunngjevinga for vedtaket er gjeve i saksutgreiinga. Vedtaket har heimel i plan- og bygningslova (pbl.) § 19-2 jf. § 11-6 og naturmangfaldslova §§ 8-12.

Saka vert sendt til Statsforvaltaren I Vestland for klagevurdering.

124/21: Dispensasjon til utlegging av flytebryggje på gbnr. 165/56 - Baløy

Kommunedirektøren sitt framlegg:

Austrheim kommune gjev på vilkår dispensasjon frå pbl. § 19-2 og frå kommuneplan, plan-id: 2013001 dispensasjon som omsøk. Vilåret er at flytebryggja vert tilgjengeleg for ålmenta til av- og påstigning frå båt/kajakkar.

Grunngjevinga for vedtaket er gjeve i saksutgreiinga. Vedtaket har heimel i plan- og bygningslova (pbl.) § 19-2 jf. § 11-6 og naturmangfaldslova §§ 8-12.

Saka vert sendt til Statsforvaltaren I Vestland for klagevurdering.

25.11.2021 FORMANNSKAPET

Avdelingsleiar Asbjørn Toft orienterte om saka. Her kjem det bølgebrytar, som er tenleg for dei som brukar

Morten Sognes (H) viste til at ei betre brygge her ville vera bra for Nordhordland Brann og Redning, med god tilkomst for båt og i kombinasjon med henting av ambulansehelikopter.

Avdelingsleiar Asbjørn Toft sa at han vil ta dette med tryggleik med seg i korrespondansen inn mot Statsforvaltar.

Handsaming i formannskapet:
Kommunedirektøren sitt framlegg vert samrøystes vedteke

FS - 124/21 - 25.11.2021 - Vedtak:

Austrheim kommune gjev på vilkår dispensasjon frå pbl. § 19-2 og frå kommuneplan, plan-id: 2013001 dispensasjon som omsøk. Vilåret er at flytebryggja vert tilgjengeleg for ålmenta til av- og påstigning frå båt/kajakkar.

Grunngjevinga for vedtaket er gjeve i saksutgreiinga. Vedtaket har heimel i plan- og bygningslova

(pbl.) § 19-2 jf. § 11-6 og naturmangfaldslova §§ 8-12.

Saka vert sendt til Statsforvaltaren I Vestland for klagevurdering.

125/21: Lokal forskrift om gebyr for tekniske forvaltningsteneste 2022 - Godkjenning

Kommunedirektøren sitt framlegg:

Lokal forskrift med gebyrsatsar for teknisk forvaltningsteneste 2022 vert godkjent slik den ligg føre. Gebyrsatsane trer i kraft den 01.01.2022. Grunngevinga er gjeve i saksutgreiinga.

Vedtaket er heimla i Plan og bygningslova § 33, Lov om eigedomsregistrering (matrikkellova) § 32, Konesjonslov, forskrift om gebyr heimla i forvaltingslova § 27 a, Forskrift nr. 864 heimla i Lov om eigarseksjonar § 7 og Forskrift nr. 98 heimla i Lov om vern mot forureining § 52 og lov om hamner og farvann § 6.

25.11.2021 FORMANNSKAPET

Avdelingsleiar Asbjørn Toft orienterte om saka. Har vore auke i gebyra siste tre år, og kommunen legg opp til å halda seg på same nivå i 2022 som i 2021. Om det vert for dyrt, vert folk freista til å ikkje søka om løyve.

Ordførar Per Lerøy (Ap) spurte om kostnader til oppmåling samanlikna med andre kommunar, og sett opp mot arbeidet som skal utførast. Asbjørn Toft svara at det er ganske likt i Austrheim som i nabokommunar, men det ein ser er at dersom det vert større endringar i arealet så er det ei ny delingssak og heilt nytt gebyr. (5 prosent endring er grensejustering, meir enn dette er ny sak).

Handsaming i formannskapet:

Kommunedirektøren sitt framlegg vert samrøystes vedteke

FS - 125/21 - 25.11.2021 - Vedtak:

Lokal forskrift med gebyrsatsar for teknisk forvaltningsteneste 2022 vert godkjent slik den ligg føre. Gebyrsatsane trer i kraft den 01.01.2022. Grunngevinga er gjeve i saksutgreiinga.

Vedtaket er heimla i Plan og bygningslova § 33, Lov om eigedomsregistrering (matrikkellova) § 32, Konesjonslov, forskrift om gebyr heimla i forvaltingslova § 27 a, Forskrift nr. 864 heimla i Lov om eigarseksjonar § 7 og Forskrift nr. 98 heimla i Lov om vern mot forureining § 52 og lov om hamner og farvann § 6.

126/21: Saksførebuing klage på løyve frå Felles Landbrukskontor til landbruksveg - gbnr 131/6 - Fønnes

Kommunedirektøren sitt framlegg:

Formannskapet i Austrheim tek ikkje klagen til følge.

Grunngjeving er gjeve i saksutgreiinga.

Vedtaket er heimla i forvaltningslova § 33.

Saka vert sendt til Statsforvaltaren i Vestland for endeleg avgjerd, jf. Forskrift om planlegging og godkjenning av landbruksveier § 4-1.

Formannskapet tok orienteringa til vitande, saka vert handsama vidare 6/12 når det også er planlagt synfaring.

25.11.2021 FORMANNSKAPET

foreslått av:

Formannskapet tok orienteringa til vitande, saka vert handsama vidare 6/12 når det også er planlagt synfaring.

Sakshandsamar Christopher Straumøy orienterte om saka, ut i frå sakspapira.

Sakshandsamar Christopher Straumøy viste til at den eine parten har bedt om å få ei vurdering av gildskap for Morten Sognnes (H). Sognnes sjølv orienterte om at han er med i styret i båtforeininga på Fonnes saman med Trygve Gullaksen.

Straumøy sa at gildskap skal vurderast ikkje berre frå det som er peika på frå parten, men generelt for heile saka.

Ordførar Per Lerøy (Ap) sa at det er heilt tydeleg for han at Sognnes ikkje er ugild i denne saka.

Helge Dyrkolbotn (KrF) sa at det er vanskeleg i formannskap og kommunestyre framover om det er berre mindre ting som skal til for å gjera ein representant ugild.

Varaordførar Inger-Lise Brekke (H) sa at det er bra at dette blir belyst, og ein må vera merksam på desse sakene om gildskap, men vurderer ikkje at Sognnes er ugild i denne saka.

Straumøy sa vidare at det også skal tas omsyn til korleis ting vert oppfatta utad, og ikkje berre kva som er innunder når ein automatisk er ugild.

Gildskap for Morten Sognnes (H) vart vurdert av formannskapet (utan Sognnes), og formannskapet konkluderte med at han er gild i saka.

Handsaming i formannskapet:

Formannskapet tok orienteringa til vitande, saka vert handsama vidare 6/12 når det også er planlagt synfaring.

FS - 126/21 - 25.11.2021 - Vedtak:

Formannskapet tok orienteringa til vitande, saka vert handsama vidare 6/12 når det også er planlagt synfaring.

127/21: Renovasjonsavgift 2022 - NGIR

Kommunedirektøren sitt framlegg:

Formannskapet/kommunestyret vedtek renovasjonssatsane slik dei ligg føre frå representantskapet i NGIR sitt møte 25. oktober 2021.

Denne saka vert utsett til formannskapet sitt møte 6/12.

25.11.2021 FORMANNSKAPET

Utsettingsframlegg foreslått av:

Denne saka vert utsett til formannskapet sitt møte 6/12.

Kommunedirektør Bjørnar Fjellhaug sa at Austrheim kommune ikkje kan bruka NGIR sine satsar direkte, og ba om at denne saka vart utsett til formannskapet sitt møte 6/12.

Handsaming i formannskapet:

Kommunedirektøren sitt utsettingsframlegg vert samrøystes vedteke

FS - 127/21 - 25.11.2021 - Vedtak:

Denne saka vert utsett til formannskapet sitt møte 6/12.

128/21: Slamavgift 2022 - NGIR

Kommunedirektøren sitt framlegg:

Formannskapet/kommunestyret vedtek renovasjonssatsane slik dei ligg føre frå representantskapet i NGIR sitt møte 25. oktober 2021.

Denne saka vert utsett til formannskapet sitt møte 6/12.

25.11.2021 FORMANNSKAPET

Utsettingsframlegg foreslått av:

Denne saka vert utsett til formannskapet sitt møte 6/12.

Kommunedirektør Bjørnar Fjellhaug sa at Austrheim kommune ikkje kan bruka NGIR sine satsar direkte, og ba om at denne saka vart utsett til formannskapet sitt møte 6/12.

Handsaming i formannskapet:

Kommunedirektøren sitt utsettingsframlegg vert samrøystes vedteke

FS - 128/21 - 25.11.2021 - Vedtak:

Denne saka vert utsett til formannskapet sitt møte 6/12.

129/21: Møteplan for 2022

Kommunedirektøren sitt framlegg:

Formannskapet/råd rår kommunestyret til å vedta møteplanen slik den ligg føre i saksutgreiinga.

22.11.2021 RÅD FOR MENNESKE MED NEDSETT FUNKSJONSEVNE

Det er i felles møteplan for 2022, lagt opp til møte 7.juni og 15. november. Dette er viktig i samband med budsjett arbeidet.

Råd for menneske med nedsett funksjonsevne meiner at dei bør legge opp til 4 møter i året og at dei bør vere på same dag, men på ei anna tid enn eldrerådet sine møter.

Framlegg til vedtak:

Leiar Odd Øksnes frå fullmakt til å samkjøre møteplan med eldrerådet.

Framlegget vart samrøystes vedteke

RMNF - 018/21 - 22.11.2021 - Vedtak:

Leiar Odd Øksnes frå fullmakt til å samkjøre møteplan med eldrerådet.

25.11.2021 FORMANNSKAPET

Kommunedirektør Bjørnar Fjellhaug orienterte om saka.

- Kuttar formannskap i januar, men kan likevel komma møte om det trengst i samband med skulesaka.
- Legg opp til to dagar med kommunestyret i mai for budsjett og økonomiplan.
- Flyttar første formannskap etter sommaren til september, for å få meir tid etter ferie.

Handsaming i formannskapet:

Kommunedirektøren sitt framlegg vert samrøystes vedteke

FS - 129/21 - 25.11.2021 - Vedtak:

Formannskapet/råd rår kommunestyret til å vedta møteplanen slik den ligg føre i saksutgreiinga.

130/21: Skjenkeløyve for Knuter Catering og Service AS - på samfunnshuset

Kommunedirektøren sitt framlegg:

Kommunedirektøren rår til at ein følgjer rådet frå politiet, og gjev skjenkeløyve frå klokka 20-24 for torsdagar, laurdagar og søndagar, for opp til 22 prosent.

Skjenkeløyvet i kafeen må likevel vika dei dagane salen i samfunnshuset er utlånt til barne- og ungdomsarrangement, dersom dette kolliderer i tid med skjenking.

Saka vert utsett til formannskapet sitt møte 6/12, slik at det vert tid til å henta inn uttale frå styret for samfunnshuset.

25.11.2021 FORMANNSKAPET

Utsettingsframlegg foreslått av: Per Lerøy

Saka vert utsett til formannskapet sitt møte 6/12, slik at det vert tid til å henta inn uttale frå styret for samfunnshuset.

Inger-Lise Brekke (H) sa at det er bra om ein kan få på plass ei kafedrift, men var skeptisk til kombinasjonen med alkohol.

Bjørn Inge Haaland Dyrkolbotn (Sp) og Helge Dyrkolbotn (KrF) etterlyste kva styret og eigarlaga meiner om skjenking i kafeen.

Ordførar Per Lerøy (Ap) spurte om saka skulle utsetjast til formannskapet sitt møte 6/12, slik at det vert tid til å henta inn uttale frå styret for samfunnshuset. Dette framlegget fekk støtte frå formannskapet.

Handsaming i formannskapet:

Semje om å utsetja saka til formannskapet sitt møte 6/12, slik at det vert tid til å henta inn uttale frå styret for samfunnshuset.

FS - 130/21 - 25.11.2021 - Vedtak:

Saka vert utsett til formannskapet sitt møte 6/12, slik at det vert tid til å henta inn uttale frå styret for samfunnshuset.

131/21: Styringsgruppa: Val av løysing for tilrettelegging av Årås skule og godkjenning av forprosjekt Kaland skule

Kommunedirektøren sitt framlegg:

1. Formannskapet gjev tilslutnad til at kommunedirektøren innarbeider låneopptak for inntil kr 25 mill samla for skuleprosjektet i økonomi- og budsjettplan for 2022-2025. Dette dekkjer tilretteleggingar, utomhusplan og eventuelle omkostningar.
2. Forprosjekt for Kaland skule vert lagt ut på anbod.
3. Alternativ 3.3 vert vald for Årås skule. Norconsult utarbeidar forprosjekt med teikningar

og utomhusplan. Det vert også lagt fram eit kostnadsestimat.

4. Begge prosjekta skal haldast innanfor ramma på kr 25 mill inkl sanering av bygg på Kaland.

1. Det skal byggjast tilbygg på Årås skule.
2. Kaland 1 skal rivast.
3. Det skal byggjast tilbygg på Kaland skule.
4. Kaland skule skal innreiast slik at gymnastikksalen også i framtida kan nyttast til storstove i lokalmiljøet.
5. Ein skal i størst mogeleg grad ta vare på dagens spesialrom.
6. Uteområda skal opparbeidast slik at desse vert ryddige og trivelege opphaldsplassar for elevane, samt enkle å vedlikehalda.
7. Transportløyisingane ved skulane skal avspeгла at Austrheim kommune er ein trafikkssikker kommune.
8. Kommunedirektøren skal sikra at tiltaka ikkje overstig 35 millionar kroner.
9. Kommunedirektøren legg fram eit framlegg til endelege løysingar for Årås og Kaland skular for formannskapet i februar.

1. Det skal gjerast nødvendig ombygging på Årås skule for å gje elevane og tilsette undervisnings- og arbeidsrom i medhald til dagens krav, evt. med tilbygg dersom det blir vurdert naudsynt.

10. Tiltaka skal gjennomførast i eit nært samarbeid mellom brukarane av skulane og kommuneleiinga

21.10.2021 FORMANNSKAPET

Kommunedirektør Bjørnar Fjellhaug orienterte om saka. Saka skal handsamast i neste møte den 28.10.21. Da blir det synfaring med Norconsult. Monika Kvamme stiller da på vegne av kommunedirektøren.

Formannskapet er styringsgruppe for prosjektet og får derfor statusoppdateringar. Skal ein auke rammene for prosjektet kan det får konsekvensar for framtidige investeringar.

Kaland - det er lagt opp til at Kaland 1 vert sanert. Slik det er tilrådd får ein ei god løysing med at skulen frå eit bra uteområdet og ein slepp samlokalisering med barnehagen. Vi må bli flinkare med skilting på bygga våre, det er ikkje enkelt å sjå kor hovudinngangen til skulen er. Kostnadsestimat er langt over ramma ein har sett på, og ein må sjå på kva ein kan realisere.

Det har vore innspel både frå barnehage og skule og dei meiner at det er løysingar vi kan leve med når vi skal rehabiliterer og ikkje bygge nytt.

Årås - det er lagt opp til utbygging av eksisterande areal. Norconsult meiner det er nok areal, men at ein må sjå på om ein kan omdisponere. Det føreligg førebels ingen utomhusplan, den blir utarbeida utifrå om det blir utbygging eller ombygging. Når Norconsult veit kva løysing kommunen går for treng dei berre nokre veker på å lage ein utomhusplan.

Innstillinga er at vi må få mest mogeleg ut av dei midlane vi har. Det blir kanskje ikkje den mest optimale løysinga, men den vi kan få mest ut av.

Det blir ikkje lagt ut på offentleg høyring før ein har landa prosjektet noko meir. Korpset har ikkje vore ansett som intern høyringspart.

Kommunedirektøren stadfesta at prisestimatet vi skal sjå på er Norconsult sitt.

Ordførar Per Lerøy : Vi er ein nynorskkommune, innspela frå skulane er på bokmål. Ber om at ein tek det tilbake til skulane. Det same gjeld konsulentane vi nyttar.

Aslak Bakke (H)– Det er viktig at ein tek høgde for det som skjer framover. Går ein utover rammene, må ein har oversikt over det.

Per Lerøy (Ap)– det er gjort ein omfattende og grei jobb som er gjort her.

Bjørnar Fjellhaug– vi hadde ikkje bedt om teikningar i mulighetstudien, men no har vi fått det og har dermed kan ein enklare sjå korleis det blir i dei løysingane ein går for.

Helge Dyrkolbotn (KrF)– Det er nokre avvik i høve skulebruksplan. I forhold til økonomi, kan ei si at noko skal prioriterast, medan andre ting bør det vente i første omgang.

Bjørnar Fjellhaug - No har vi fått alt vi ønsker inn og vi greier nok ikkje realisere alt på same tid.

Politikaren må altså si kva vi skal ta med det same og kva kan vente.

Handsaming i formannskapet:

Det vert ikkje gjort vedtak i saka i dag. Det skal ei om avtalt gjere vedtak i seinare møte, etter synfaringar.

Med dette grunnlaget vert saka utsett.

FS - 109/21 - 21.10.2021 - Vedtak:

Saka vert utsett

27.10.2021 FORMANNSKAPET

Formannskapet var på synfaring i denne saka.

Synfaring Kaland skule:

Formannskapet:

Per Lerøy, ordførar (Ap)

Inger Lise Brekke, varaordførar (H)

Bjørn Inge H. Dyrkolbotn, formannskapet (Sp)

Helge Dyrkolbotn, formannskapet (KrF)

Morten Sognnes, formannskapet (H)

Administrasjonen:

Monika Kvamme, fungerande kommunedirektør

Rolf Henning Myrmel, leiar teknisk drift

Arild Tresvik, teknisk drift

Anita Soltveit, Ungdomskonsulent

Andre:

Birgitte Gullaksen, rektor Kaland skule

Sissel Berge Monslaup, styrar Kaland barnehage

Annicka Sletten, 10. klasse/elevrådet Kaland skule

Oda Flotve Vik, 10. klasse/elevrådet Kaland skule

Anita Hagen, Norconsult

Janina Fenne, HTV Fagforbundet

Monica Mjanger, nestleiar Utdanningsforbundet, vara HTV Utdanningsforbundet

Anne Lise Pedersen, arbeidsplassstillitsvalde Utdanningsforbundet

Gerd Marie Fonnes, FAU-leiar Årås

Veronika Halvorsen, FAU-leiar Kaland

Synfaring Årås skule:

Formannskapet:

Per Lerøy, ordfører (Ap)

Inger Lise Brekke, varaordfører (H)

Bjørn Inge H. Dyrkolbotn, formannskapet (Sp)

Helge Dyrkolbotn, formannskapet (KrF)

Morten Sognnes, formannskapet (H)

Administrasjonen:

Monika Kvamme, fungerende kommunedirektør

Stian Marøy, prosjektleiar

Rolf Henning Myrmel, leiar teknisk drift

Arild Tresvik, teknisk drift

Anita Soltveit, Ungdomskonsulent

Ketil Tjore, møtesekretær

Andre:

Anita Hagen, Norconsult

Janina Fenne, HTV Fagforbundet

Trude Bertelsen, arbeidsplassstillitsvalde Utdanningsforbundet

Gerd Marie Fonnes, FAU-leiar Årås

Karl Ludvig Daae, verneombod

Gunn Håland Dyrkolbotn, inspektør Årås skule

Bodil Boie Brekkan, rektor Årås skule

Kasper Wiik Daae, elevrådsleiar Årås skule

Monika Soltveit Gabrielli, HTV Utdanningsforbundet

Det vart ikkje gjort vedtak i saka etter synfaringa, i staden er det invitert til ein ny innspelsrunde, før saka skal til politisk handsaming i formannskapet sitt møte 25. november. Denne informasjonen vart sendt ut torsdag 28. oktober:

God torsdag!

I går onsdag var det synfaring i samband med skulesaka, FS 109/21, som de finn via møteportalen/innsyn.

[Formannskapet 21.10.2021 - Austrheim kommune \(sing.no\)](#)

I etterkant av formannskapet vart det sendt ut slik invitasjon til å komma med innspel:

Rådmannen orienterte i samband med formannskapet sitt møte 21/10, og deretter synfaring 27/10.

Formannskapet gjorde ikkje noko vedtak onsdag, men det var semje om å opna for innspel etter synfaringa.

I samråd med kommunedirektøren sender eg ut litt info om prosessen vidare.

- *Det vert mogleg å komma med nye innspel i denne saka. Fristen er onsdag 3. november, og innspel skal sendast til Postmottaket vårt, post@austrheim.kommune.no*
- *Eksisterande innspel ligg inne, og vert teke med vidare i arbeidet.*
- *Dei innspela som kjem, skal vurderast av kommunedirektøren sine menn, evt. med støtte frå Norconsult, før saka skal sendast ut til FS for vidare handsaming.*
- *Saka skal opp i FS 25/11. Ordførar/formannskapet har sagt at det vert utsending ei veke før, mot vanlegvis to. Så det er utsending 18/11.*

No var det jo fleire på synfaringa enn det er på adresselista over, så det er fint om de deler denne informasjonen med dei andre som var der, til dømes tillitsvalde, elevrådsleiarane, verneomboda.

Med vennleg helsing

Ketil Tjore

Servicekontoret

Handsaming i formannskapet:

Vedtak i saka kjem først i møtet 25. november, så saka er utsett.

FS - 111/21 - 27.10.2021 - Vedtak:

Vedtak i saka kjem først i møtet 25. november, så saka er utsett.

25.11.2021 FORMANNSKAPET

Nytt framlegg til vedtak foreslått av: Per Lerøy

1. Det skal byggjast tilbygg på Årås skule.
2. Kaland 1 skal rivast.
3. Det skal byggjast tilbygg på Kaland skule.
4. Kaland skule skal innreist slik at gymnastikksalen også i framtida kan nyttast til storstove i lokalmiljøet.
5. Ein skal i størst mogeleg grad ta vare på dagens spesialrom.
6. Uteområda skal opparbeidast slik at desse vert ryddige og trivelege opphaldsplassar for elevane, samt enkle å vedlikehalda.
7. Transportløysingane ved skulane skal avspeгла at Austrheim kommune er ein trafikksikker kommune.
8. Kommunedirektøren skal sikra at tiltaka ikkje overstig 35 millionar kroner.
9. Kommunedirektøren legg fram eit framlegg til endelege løysingar for Årås og Kaland skular for formannskapet i februar.

Framlegg til nytt punkt 1. foreslått av: Inger Lise Brekke

1. Det skal gjerast nødvendig ombygging på Årås skule for å gje elevane og tilsette undervisnings- og arbeidsrom i medhald til dagens krav, evt. med tilbygg dersom det blir vurdert naudsynt.

Framlegg til punkt 10. tilleggspunkt foreslått av: Helge Dyrkolbotn

10. Tiltaka skal gjennomførast i eit nært samarbeid mellom brukarane av skulane og kommuneleinga

Kommunedirektør Bjørnar Fjellhaug orienterte om saka:

- Vert ikkje heilt ideell løysing når ein skal endra dagens bygg og ikkje bygga alt nytt.
- Ber om at 5 millionar av ramma på 35 millionar vert sett av til uføresette kostnader.
- Skal ein bygga for elevtoppane, eller det jamne? Ikkje stor elevvekst framover etter dagens prognosar.
- Ba om at formannskapet går litt opp frå detaljane, og ser meir på det overordna med om ein skal ha tilbygg eller ikkje.
- Ba om at formannskapet ikkje bestemte detaljar for dei ulike romma, men at det heller vert sagt kva behov som skal dekkast.
- Ba om at det ikkje kan vera full runde med innspel frå alle ved mindre justeringar, det vil øydelegga framdrifta.
- Prosjektleiar Stian Marøy sa ein låser løysingane byggtknisk om det vert gitt for mange føringar, dette er detaljprosjektering. Heilt OK å seia at ein vil ha tilbygg, vil behalda hallen på Kaland med meir, men detaljane må stå att til dei som skal utføra arbeidet på skulane.
- Marøy sa vidare at det kostar mykje å ta nye rundar når ein for kvar runde må henta inn konsulentar. I tillegg må ein i ramma på 35 millionar ha ein margin for uføresette kostnader som kan dukka opp. Marginen bør ligga på rundt 20 prosent på eit prosjekt som dette, med utbetringar/endringar. Sjølv på skuleplassen som er asfaltert, kan ein måtte masseutskifta under.

Ordførar Per Lerøy (Ap) sa seg samd i at noko av framlegga frå politikarane har vore for detaljerte, og la fram eit oppdatert framlegg til vedtak:

Framlegg til vedtak:

1. Det skal byggjast tilbygg på Årås skule.
2. Kaland 1 skal rivast.
3. Det skal byggjast tilbygg på Kaland skule.
4. Kaland skule skal innreist slik at gymnastikksalen også i framtida kan nyttast til storstove i lokalmiljøet.
5. Ein skal i størst mogeleg grad ta vare på dagens spesialrom.
6. Uteområda skal opparbeidast slik at desse vert ryddige og trivelege opphaldsplassar for elevane, samt enkle å vedlikehalda.
7. Transportløysingane ved skulane skal avspeгла at Austrheim kommune er ein trafikksekkur kommune.
8. Kommunedirektøren skal sikra at tiltaka ikkje overstig 35 millionar kroner.
9. Kommunedirektøren legg fram eit framlegg til endelege løysingar for Årås og Kaland skular for formannskapet i februar.

Helge Dyrkolbotn (KrF) la fram framlegg til vedtak på vegner av KrF og Sp. Sa at det er viktig når politikarane først sa at det skal vera felles ungdomsskule, så må det vera fasilitetar som er gode og berekraftige. Trur det er venta at ein får eit tilbygg på Årås. Tilbakemeldinga frå skulen er at det er OK å venta med vidare utbetringar, så lenge ein får plass til alle elevane.

Inger-Lise Brekke (H) sa at det er OK at ein skal gå på prinsippa i saka. Viktig å ivareta at alle elevane får den plassen dei treng. Skal ikkje leggja føringar på om det er tilbygg eller ikkje, men meir at ein skal ivareta plassbehovet på skulane. Samd med at Kaland 1 skal rivast, utanom dette vil ikkje Brekke leggja detaljerte føringar på korleis det skal løysast, vil heller seia at det skal vera nok plass til undervisning og spesialrom. Brekke spurte om ikkje trafikkløysinga på Kaland heller skal vera eit eige prosjekt, og sa vidare om kostnadsoverslag at det må vera implisitt at det er ein margin på 20 prosent.

Rolf-Henning Myrmel sa at det er viktig for administrasjonen at det ligg i vedtak at det skal settast inn margin. Elles er det naturleg å dela desse prosjekta slik at ein heldt att på uteområda, og kan bruka desse som saldering dersom kostnadene vert for høge.

Stian Marøy sa at det er eit mål å halda seg innanfor ramma, men at det kjem an på dei prisane ein får inn, kanskje må ein gjera om på prosjektet dersom prisane vert for høge. Kan bruka uteområda til å saldera.

Bjørn Inge Haaland Dyrkolbotn (Sp) sa at et er viktig at skuleleiinga vert teke med i den vidare prosessen. Det er greitt at formannskapet ikkje skal detaljstyra, men at skuleleiinga må vera med.

Per Lerøy (Ap) sa at den nye kommunalsjefen for oppvekst må vera med i den vidare prosessen.

Helge Dyrkolbotn (KrF) sa at han ønskjer å behalda punktet om at det skal byggast nytt på Årås. Viktig å inkludera skuleleiinga i det vidare arbeidet. Dyrkolbotn sa vidare at det kan vera salderingspost å ikkje riva Kaland 1.

Bjørnar Fjellhaug sa at det er OK å ha implisitt i vedtaket at ramma er 35 millionar inkludert sikkerhetsmargin. Når det gjeld riving av Kaland 1 ønskjer Fjellhaug å ha dette med vidare. Elles er det OK å involvera skuleleiinga, men kan ikkje la alle komma med innspel ved kvar minste endring, for då kjem ein ikkje vidare.

Inger-Lise Brekke (H) sa at dersom ein heldt på punktet om tilbygg på Årås skule, så vil det vera eit sterkare prinsipp enn kva som er det beste for alle elevane. Prinsippet om at det skal vera til beste for alle elevane må vera viktigare enn tilbygg.

Stian Marøy sa at den naturlege prosessen vidare er at den politiske bestillinga går til Norconsult for justeringar, deretter går teikningar til ei arbeidsgruppe der skuleleiinga deltek, og etter den runden vert det låst for endringar. Etter dette vil det som utgangspunkt ikkje vera mogleg med endringar, for endringar etter dette vil vanlegvis ha høg kostnad.

Helge Dyrkolbotn (KrF) sa i ein kommentar til Inger-Lise Brekke (H) at det erfaringsmessig er dyrare på sikt å lappa enn å bygga nytt, og ba om at det vart spesifisert tilbygg på Årås i vedtaket. Brekke svara at ho ikkje er mot tilbygg, dersom det er beste løysinga.

Bjørn Inge Haaland Dyrkolbotn (Sp) spurte om teikningane for Årås, korleis tilbygget påverkar kostnadene. Stian Marøy svara at ein kan spare på å laga nye teikningar dersom ein kan bygga mindre. Frå Norconsult er det lagt inn mindre midlar til andre endringar på Årås ved eit tilbygg.

Helge Dyrkolbotn (KrF) sa at det er OK at ein ikkje får gjort noko meir i eksisterande bygg dersom det vert tilbygg.

Einingsleiar teknisk drift, Rolf Henning Myrmel, sa at det viktigaste for teknisk drift er at det ikkje er større areal enn kva ein har bruk for, for det skal vaskast, vedlikehaldast og varmast opp. Om dette svara Per Lerøy (Ap) at arealet vert redusert noko ved riving av Kaland 1.

Inger-Lise Brekke (H) heldt oppe sitt ønske om å endra punkt 1 i Ap sitt framlegg, der tilbygg ikkje er like fastsett.

Morten Sognnes (H) sa at det må vera mogleg å bruka lokale bedrifter i dette arbeidet, heller enn ein stor entreprenør utanfrå. Om Kaland skule sa Sognnes at det er ei skam at skulen er i så dårleg stand som den er i no.

Stian Marøy sa om tilbygg og plass at den skulefaglege vurderinga er at det er plass utan tilbygg. Til dette svara Helge Dyrkolbotn (KrF) at den skulefaglege vurderinga også ligg på skulen, og at det ikkje er gitt at Norconsult har det einaste svaret.

Bjørnar Fjellhaug sa at kommunedirektøren tar med seg bestillinga her frå formannskapet, og kjem tilbake med ei sak i februar 2022 der ein viser framdrift. Noko kan gjerast i 2022 og noko i 2023.

Inger-Lise Brekke (H) sa at ho heldt på sitt framlegg om at dette med tilbygg er vurderingar som må gjerast prosjektet, og ikkje ligga som føring i vedtaket.

Bjørnar Fjellhaug sa at han forstår at det er ulikt syn på ting, men det er skulefagleg kompetanse både hjå kommunedirektøren og hjå Norconsult som er brukt. Her svara Helge Dyrkolbotn (KrF) at han ikkje betvilar kompetansen hjå kommunedirektøren eller Norconsult, men at det er fleire sider ved saka.

Per Lerøy (Ap) sa at tidlegare erfaringar med ombyggingar på Kaland har overtydd han om at det er betre med tilbygg enn ombyggingar, for det har vist seg at det kostar meir enn det smakar.

Inger-Lise Brekke (H) sa at det ligg meir til rette for tilbygg på Kaland enn på Årås, der det kan løysast med ombyggingar.

Per Lerøy (Ap) oppsummerte om avrøystinga, at Inger-Lise Brekke (H) gjerne kan notera seg eit nytt punkt nummer 1 i vedtaket, som kan settast opp mot framlegget frå Ap.

Avrøysting i saka

Punkt 1 i vedtaket, framlegget til Per Lerøy/Ap (over) vart sett opp mot framlegget frå Inger-Lise Brekke/H:

1. Det skal gjerast nødvendig ombygging på Årås skule for å gje elevane og tilsette undervisnings- og arbeidsrom i medhald til dagens krav, evt. med tilbygg dersom det blir vurdert naudsynt.

Inger-Lise Brekke/H sitt framlegg fekk støtte av dei to frå Høgre (Inger-Lise Brekke og Morten Sognnes), og fall.

Helge Dyrkolbotn (KrF) la fram framlegg til eit nytt punkt 10:

10. Tiltaka skal gjennomførast i eit nært samarbeid mellom brukarane av skulane og kommuneleinga.

Stian Marøy frå administrasjonen spurte om kva som ligg i dette med «nært samarbeid»? Skal alle detaljar gjennom med brukarane er det tungvint. Til dette sa Per Lerøy (Ap) at formannskapet heldt seg til det overordna, og Bjørn Inge Haaland Dyrkolbotn (Sp) sa at det må vera det som er driftsviktig som det skal vera samarbeid om. Inger Lise Brekke (H) spurte om det var naudsynt å ta med dette punktet, Helge Dyrkolbotn (KrF) la sa at det ikkje er mistillit til administrasjonen, men ei presisering. Stian Marøy sa at det ikkje vert tatt ille opp, men det er naturleg og sjølvsagt at brukarane skal takast med på råd.

Bjørnar Fjellhaug sa at dette punktet vert ivareteke av kommunedirektøren, og etter det sa Helge Dyrkolbotn (KrF) at han ut frå dette trekkjer sitt framlegg til punkt 10 i vedtaket.

Til slutt vart det røysta over Per Lerøy (Ap) sitt framlegg til vedtak, med punkta 1-9.

Handsaming i formannskapet:

Samrøystes for nytt framlegg til vedtak, frå Per Lerøy (Ap).

FS - 131/21 - 25.11.2021 - Vedtak:

1. Det skal byggjast tilbygg på Årås skule.
 2. Kaland 1 skal rivast.
 3. Det skal byggjast tilbygg på Kaland skule.
 4. Kaland skule skal innreiast slik at gymnastikksalen også i framtida kan nyttast til storstove i lokalmiljøet.
 5. Ein skal i størst mogeleg grad ta vare på dagens spesialrom.
 6. Uteområda skal opparbeidast slik at desse vert ryddige og trivelege opphaldsplassar for elevane, samt enkle å vedlikehalda.
 7. Transportløysingane ved skulane skal avspeгла at Austrheim kommune er ein trafikkssikker kommune.
 8. Kommunedirektøren skal sikra at tiltaka ikkje overstig 35 millionar kroner.
 9. Kommunedirektøren legg fram eit framlegg til endelege løysingar for Årås og Kaland skular for formannskapet i februar.
-